

WITTERYCK A.J. - (Oostkamp 1865-Assebroek 1934) Tiu belga pioniro estis unu el la ĉefaj presistoj en Bruĝo de lego- kaj lernolibroj en nederlanda kaj franca lingvo. Konante diversajn lingvojn kaj sin interesante pri instruaj demandoj li aliĝis al Volapük-movado ^{Kaj ĉi laboris super nova int. lingvo} ĝis li ekkonis Esperanton. En 1902 li fondis la Bruĝan Grupon, kiun li prezidis ĝis en 1920, kiam lin anstataŭis la agema kaj lerta esperantistino F-ino Yvonne Thooris. En 1905 li partoprenis la starigon de Belga Ligo Esperantista, kiun li helpis reorganizi post la Ido-skismo en 1908 kaj kies vicprezidanto li fariĝis. En 1912 post la morto de Amatus Vanderbiest-Andelhof, li estis nomita Prezidanto, funkcion kiun li plenumis ĝis 1927. Li prezidis la belgajn kongresojn ekde 1912 ĝis 1922 kaj Internacian Esperanto-sesamajnon en Gento, okaze de la Unvivversala Ekspozicio (1913) Li estis Lingva Komitatano ĝis 1932.

Witteryck eldonis antaŭ la ~~miixixx~~ unua mondmilito ~~ĉiumonatan~~ ĉiumonatan flandran revuon ilustritan en kiu li rezervis ~~grxav~~ gr~~x~~aven rubrikon al Esperanto. Dum la milito li instruis en Anglujo kaj Holando oficiale Esperanton al la militkaptitoj kaj verkis por tio specialan lernolibron je l'kosto de la belga ŝta-

to (An Esperanto-conversation book in 4 languages) Li estis honora prezidanto de la Esperantista Grupo de Hastings.

Post la milito li trovis sian presejon detruita, kio kun la malrapideco por lia sendomaĝigo kaŭzis al li la gravan kormalsanon pro kiu li mortis.

Witteryck eldonis i. a. "Esperanto, triumfa solvo de l'problemo de l'I.L. (nederlandlingve); Companion of the English Esperantist", "Esperanto en dek lecionoj (franc- kaj nederlandlingva eldono); (same) "Esperanto en kvin lecionoj": "Kelkaj floroj Esperantaj" (diversaj serioj de ŝercaj legaĵoj) kaj "Kantlibro titolita " "Kantareto", en kiu speciala melodio por "La Espero verkita de li mem.